

- vindictae studium, modica de se opinio: *hae sunt virtutes*
4. eius, qui divina sorte nascitur, o Bhârata. Simulatio, superbia atque insolentia, iracundia, nec non sermo contumeliosus et ignorantia: *hi sunt mores* eius, Prithae fili, qui daemoniaca sorte nascitur. Divina sors ad emancipationem, daemoniaca ad vincula ducere censetur. Noli moerere! Divina sorte natus tu es, o Panduida. Duplex animantium natura est in hoc mundo: tum divina, tum vero daemoniaca. Divina fuse declarata; daemoniacam, Prithae fili, iam ex me
7. audi. Neque agendi nec cessandi rationem norunt homines daemoniaci; non puritas, nec vero etiam certa vivendi
8. regula, nec veritas in iis reperitur. Hi mundo nihil veri, nullam stabilem constitutionem inesse aiunt, et praeside eum carere, perpetuo existentem, quin imo, solam libidinem pro
9. causa ei subesse. In hac opinione defixi, mente pessumdata, parum intelligentes, ruunt vehementer in actus, in
10. mundi perniciem intenti. Libidini inexplebili dediti, fraude, superbia, temeritate muniti, stulte ineptias aucupantes, prurumpunt, vitam impuram professi, cogitatione sine termino evagante freti, leto omnia finire; libidinis satiandae
12. studiosi: »Quatenus licet (*fruamur hisce*)! « sic statuto. Spei centenis laqueis impliciti, in libidinem iramque proni, quaerunt, libidine sua fruendi gratia, opes iniquitate accumulatas.
13. »Istud hodie a me captum, illud nanciscar desiderium; istud
14. »adest, illud quoque mihi rursus eveniet lucrum; iste a me caesus inimicus, caedamque caeteros etiam. Princeps
15. »ego sum, ego deliciis affluens, consummatus ego, praepolens, felix; opulentus sum, generosus: quis alius mei similis? Sacrificabo, largiar, commissabor. « Talia sibi persuadent, ignorantia occaecati. Multiplici cogitatione per-
- 16.